



諸史人將略序

余觀古之善用兵者見於載籍詳矣

要皆不離於法而法未嘗不通乎變

故舍法而求其變非律之正也泥法

而不知變非筭之勝也盖有貫通融

會神而明之者存焉而豈易言哉故

嘗欲蒐輯往牒彙為一書以考昔人
經武之略而因循有未遑者嘉靖甲
子恭承

上命督戎兩浙自愧淺陋無以為諸將士
訓也因紬繹往志授儒生以大意俾
纂而成焉其事則起自三代逮我

國初凡

聖王之神謨偉烈諸臣之決策殫謀無不
畢錄其違機致僨者亦時存一二以
示鑒戒焉其文則本之諸史不能易
也書成為卷十六為目三百八十三
用梓以傳因閱前所纂輯者如百將

傳史略將宗諸書竊怪其補綴牽合
甚至摘取古法而區之以臆見也夫
決機兩陣之間變幻呼吸之頃而必
曰某當用某兵某為按某法刺舟膠
柱其何以行之哉夫兵家之法猶奕
旨醫經而史氏所載則棋之勢藥之

方也藥不必於執方而妙於處方者
斯効棋不必於拘勢而妙於用勢者
斯勝存乎其人焉爾今余所纂輯者
一人而彼此異事則先後疊書一戰
而機變不窮則顛末悉載庶幾觀者
各隨所見而采取其長以獨得之圓

機觸已行之故智其有躍然而興者
乎昔范文正授書於狄武襄宗忠簡
授圖於岳武穆二公承志卒為虎臣
今

朝野清明寰宇寧謐正儲材備預之日
也寧無乘時奮起應

聖上鼓鼙之思而樹闡外敵愾之績如武
襄武穆其人乎執此以往固恢恢乎
有餘地矣若曰是編也徒以考故蹟
給多聞已也則非余纂輯之初意也
嘉靖丙寅冬日

賜進士第通議大夫兵部右侍郎兼都

察院右僉都御史奉

勅總督浙直江西軍務巡撫浙江地方長

洲劉畿書于浙之壯猷堂

諸史將畧目錄

卷之一

夏

啓征有扈誓師

胤侯徃征彘和

胤侯徃征彘和
胤侯徃征彘和
胤侯徃征彘和
胤侯徃征彘和

商

湯征葛伯仇餉

周

太公決疑伐紂

魯公誓討夷戎

謀父諫伐犬戎

春秋上

鄭伯設覆禦戎

魯公不受許地

季梁知楚之情

鄭忽善自為謀

楚子乘釁伐隨

鬬廉衡擊巴師

鬬廉善料破鄭

屈瑕采樵誘絞

鬬伯比料屈瑕

曹劌能知兵勢

魯君兩敗宋師

管仲內政寄軍

齊桓聲義伐楚

晉侯假道襲虞

秦伯師少闔倍

臧文仲請備邾

子魚知宋之禍

狐偃勸晉勤王

秦伯詐取商密

晉侯伐原不信

晉侯救宋敗楚

蹇叔諫秦襲鄭

大孫伯知晉詐

史駢能識敵勢

楚有謀臣以興

楚君許鄭求平

士會知楚非敵

士貞諫殺林父

卷之二

春秋下

郤克大敗齊師

晉四臣不居功

欒書救鄭侵蔡

申叔時知楚敗

魏絳戮僕歸罪

子產知鄭之禍

由基設覆敗吳

吳人要敗楚師

晉師救魯敗齊

師曠吹律知師

子疆掩敗吳師

晉用楚人勝楚

子產不禦楚師

魏舒臨敵設機

荀吳以義取鼓

晉侯假蔡滅戎

吳子計取乘舟

厨人知兵之變

穰苴軍令嚴肅

吳公子料楚破

尹戌料楚必亡

伍員設計激楚

孫武斬姬試兵

墨子為宋止兵

夫槩決計勝楚

子西改定楚都

孔子禮却萊兵

勾踐計亂吳師

伍員諫許越成

越王卑辭行成

子西言吳自敗

子胥諫吳伐齊

越師二隧伐吳

越子計分吳兵

種蠡以越傾吳

智伯以辭伐齊

南文子料犀首

文子兩沮智師

卷之三

戰國

三晉決隄滅智

吳起諫魏恃險

威王不疑章子

淳于髡諫伐魏

惠施以楚毀齊

田忌攻魏救趙

孫臏滅竈救韓

蘇秦遊說合從

陳軫說齊合從

張儀計携齊楚

郭隗說燕致賢

周累料拔宜陽

顏率計止九鼎

蘇代計却韓徵

虞卿辯折樓緩

武安君諫伐趙

馮睢計殺宮他

蘇子為燕罷齊

魏王虞虢之喻

田文借兵燕趙

田單智計破燕

仲連智料田單

蘇代為齊說秦

趙奢相機破秦

范睢遠交近攻

觸龍言善移后意

范睢間去庶頗

秦

李牧養銳備邊

王翦計殺趙將

王翦量敵請兵

卷之四

漢

沛公扶義入關

韓信計定天下

韓信潛渡定魏

陳平計間楚王

張良諫立六國

韓信出奇定趙

左車謀定燕齊

韓信壅水定齊

良平請封韓信

漢高矯情安衆

陳平白登解圍

薛公智料彭越

亞夫細柳節制

亞夫乘傳平吳

李廣計却匈奴

李程將畧同異

去病深入擊胡

衛霍兩軍勝虜

李陵輕敵取敗

傅介子斬樓蘭

充國舉動萬全

奉世矯節破胡

陳湯襲破郅支

蕭王見大敵勇

鄧禹進說延攬

蕭王善安反側

蕭王推信納降

卷之五

東漢

陳俊料賊制勝

寇恂調度兵食

鄧禹名震關西

馮異計破赤眉

光武預策解圍

王霸垂惠全勝

耿弇次第平齊

光武親破龐萌

馮異徇邑據利

來歙襲據略陽

馬援指畫形勢

寇恂斬使致降

臧宮鋸限疑敵

岑彭襲拔武陽

馬援擊破先零

吳漢劉尚平蜀

廉范焚燭誑虜

耿恭竭誠退虜

班超以少擊眾

班超威震西域

鄧訓安定羌胡

竇憲燕山勒石

班超智困月氏

虞詡增電破賊

張奐化服羌胡

度尚焚營平賊

段熲謀討東羌

楊璇馬車平盜

皇甫長社火攻

皇甫嵩能恤士

朱雋殄滅黃巾

皇甫嵩知兵法

卷之六

三國

孫堅起兵討賊

袁紹敗公孫瓚

孫策決計渡江

荀攸謀擒呂布

曹操鑿險偽遁

曹操屢破袁紹

關羽報効曹操

張飛當陽捍敵

孔明預定三分

李孚出入堅圍

周瑜赤壁破曹

張遼靜輯兵變

曹操計携超遂

曹操函教制勝

張飛邀擊張郃

呂陸謀襲關羽

卷之七

晉

趙雲閉營疑敵

陸遜猱亭破漢

陸遜輯睦諸將

孔明七擒孟獲

孔明再舉伐魏

朱桓計破曹仁

孫權發兵侵魏

司馬懿平遼東

鄧艾鍾會襲漢

陸抗西陵敗晉

羊祜建策伐吳

王濬王渾滅吳

張賓勸勒據鄴

張賓料敗末杯

陶侃數言平賊

李矩假巫勝虜

東晉

周訪佚勝杜曾

慕容廆破宇文

祖逖裹上為糧

郝鑒諫禦王含

石勒親擒劉曜

桓宣善守襄陽

燕皝襲趙薊城

桓溫伐蜀大捷

謝艾抱罕大捷

慕容恪擒冉閔

桓溫持重過當

桓溫破走姚襄

燕恪恤眾收功

鄧羗激擒姚襄

卷之八

東晉

桓溫違策致敗

王猛乘機取燕

符堅恃疆悞諫

謝玄淝水大捷

姚萇計解安定

姚萇料敗符登

劉裕討滅南燕

道規焚書安眾

劉裕定計取蜀

劉裕滅秦姚泓

卷之九

南北朝 宋齊

德祖計殺魏將

魏師掩取統萬

王仲德知虜情

崔浩知宋必敗

道濟唱籌量沙

魏太子料柔然

楚之柳城拒寇

陳憲善守懸瓠

沈慶之諫北伐

宋激淮北之變

酈範深知兵法

酈範料沈文秀

垣崇祖計退魏

崇祖堰淝退虜

蕭衍赴救義陽

庾域封倉安衆

卷之十

南北朝 梁陳

傅永善料挫敵

梁師鍾離大捷

僧智廣陵讓功

陳慶之捷涓陽

爾朱榮擒葛榮

侯淵設奇擒賊

天光殄滅醜奴

宇文泰斬竇泰

宇文泰敗東魏

兩魏金墉大戰

高歡印山取勝

孝寬力守玉壁

侯景獨敗紹宗

羊侃宣城拒守

洗氏襲討遷仕

湘東遣將討賊

楊忠迎降消難

孝寬築城捍境

段韶洛陽克捷

明徹決策伐齊

周炆出奇大勝

明徹堰淝灌城

李德林議馭將

仲文誑取檀讓

隋師一舉滅陳

卷之十一

南北朝 隋

楊素悉平諸賊

須陀奇計破賊

李密掩敗須陀

義臣計勝金稱

李密據洛開倉

建德襲破世雄

世民安輯兵民

李淵首取霍邑

世民請取長安

李密洛南取勝

世充計破李密

唐

秦王親取秦隴

彥師邀斬李密

秦王親取并州

秦王平定鄭夏

李靖散舟止援

太宗便橋盟虜

李靖襲擒頡利

太宗計擊延陀

太宗親征高麗

劉仁軌破百濟

常之屯田河源

行儉伏兵糧車

卷之十二

唐後

玄宗義兵討賊

王峻鼓角疑虜

杲卿出奇抗賊

常清用法不撓

光弼問計思義

張巡以寡敵衆

李郭屢敗思明

真卿信納李萼

張巡忠義制敵

光弼太原破賊

張巡移守寧陵

張巡守死破賊

子儀收復兩京

光弼河陽大捷

子儀德望懾敵

子儀單騎退虜

李晟焚聚解圍

渾瑊因敗制勝

秀實計定亂兵

馬燧備守晉陽

張仵感激將士

馬燧攻所必救

李晟協和二將

李晟兩破吐蕃

抱真義激武俊

李泌決計入陝

李泌擊平叛兵

李晟預料劫盟

李愬雪夜平蔡

德裕計平澤潞

石雄計破回鶻

王式平定浙寇

仁厚撫降群盜

仁厚討平峽盜

仁厚設燭疑賊

行襲計斬孫喜

楊行密計餌敵

德威智擒陳章

李唐燔林破蠻

嗣源計擊李從周

德威破梁救趙

行密大破全忠

徐溫諫用小艇

劉夫人決固守

卷之十三

五代

全忠用謀克敵

神福智破壇建

存勗破梁夾寨

周本知兵緩急

晉師高邑大勝

存審修縣音捷

陳紹臨危誑敵

劉鄩出奇詐晉

嗣源幽州解圍

晉王大舉伐梁

傅瓘智敗吳師

徐溫戢兵安民

唐師襲取鄆州

彥卿力破契丹

世宗高平之捷

世宗簡閱兵士

李穀正陽之捷

世宗北伐次第

卷之十四

宋

太祖聽謀克敵

太祖決策伐蜀

曹彬江南之役

知節議平亂卒

齊賢具設疑破虜

繼倫徐河義勝

太宗定謀擊虜

寇准澶州退虜

仲淹數萬甲兵

狄青平定廣南

金主以寡制衆

宗澤孤軍克敵

南宋

宗澤忠義勤王

世忠鏖江水戰

卷之十五

南宋後

張俊協謀破賊

吳玠兄弟不被賊

岳飛破賊招降

世忠鄆州破賊

吳玠兄弟忠勇

世忠大儀捷

岳飛湘湖滅賊

岳飛預知金人

世忠挺身致敵

張浚榜掠逆討賊

劉錡順昌之勝

岳飛郾城大捷

吳璘壘陣之法

乞文權將破金

顯忠幾復淮北

宋元兩師滅金

卷之十六

國朝

陶安首獻嘉言

婺州開諭諸將

悉却納質貢獻

開館延訪儒臣

大兵聲義伐漢

大兵鄱陽戰勝

克漢深懲贖貨

緩急權宜之諭

討罪縱禁殺戮

大兵諭定中原

諸史將畧目錄畢

浙江杭州府知府毛鋼校正

錢塘縣學教諭黃議

長興縣縣丞吳承恩

瑞安縣學廩膳生秦激同編次

諸史將畧卷之一

夏

啓征有扈誓師

夏王啓初立有扈氏不道王召六卿以征之王誓于衆曰嗟六事之人予誓告汝有扈氏威侮五行怠棄三正天用剿絕其命今予惟恭行天之罰左不攻于左汝不恭命右不攻于右汝不恭命御非其馬之正汝不恭命用命賞于祖不用命戮于社予則孥戮汝遂大戰于甘滅之

諸史將畧卷之一
夏
啓征有扈誓師

胤侯徃征羲和

夏王仲康初即位首命胤侯掌六師專征伐惟時羲和沉亂于酒遐棄厥司至于日食天變尚罔聞知帝命胤侯曰惟時羲和顛覆厥德沉亂于酒畔官離次俶擾天紀遐棄厥司乃季秋月朔辰弗集于房瞽奏鼓嗇夫馳庶人走羲和尸厥官罔聞知昏迷于天象以干先王之誅政典曰先時者殺無赦不及時者殺無赦今予以爾有衆奉將天罰爾衆士同力王室尙弼予欽承天子威命火炎昆岡玉石俱焚天吏逸德

烈于猛火殲厥渠魁脅從罔治舊染汚俗咸與惟新嗚呼威克厥愛允濟愛克厥威允罔功其爾衆士懋戒哉

商

湯征葛伯仇餉

商王湯居亳時與葛爲隣葛伯放而不祀湯使人問之曰何爲不祀曰無以供羲牲也湯使遺之牛羊又不以祀湯又使人問之曰何爲不祀曰無以供粢盛也湯使亳衆徃爲之耕老弱饋食葛伯率其民要其

有酒食黍稷者奪之不授者殺之有童子以黍肉餉
殺而奪之湯以葛伯仇餉初征自葛東征西夷怨南
征北狄怨曰奚獨後予攸徂之民室家相慶曰侯予
后后来其蘇民之戴商如此故當時歸湯者四十餘
國而終代夏德以王

周

太公決疑伐紂

周武王伐紂師至牛頭山散宜生卜之鑽龜龜不兆
下占於地數著著交而折祖行之日雨輜車至軫行

之日幟折為三散宜生進曰此為不祥不可舉兵太
公曰退此非子之所及聖人生天地之間乘衰亂而
起龜者朽骨著者枯草何足以辨吉凶夫祖行之日
雨輜車至軫者是洗濯甲兵也行之日幟折為三者
是軍分為三也如此如此勝殷之旅是為元吉乃焚
龜折著援袍而鼓率衆涉河武王從之遂破紂

魯公誓討夷戎

周成王時魯公伯禽初之國淮夷徐戎乘其新造並
起為寇東郊不開誓衆征之公曰嗟人無諱聽命徂

茲淮夷徐戎並興善穀乃甲冑敵乃干無敢不吊備
乃弓矢鍛乃戈矛礪乃鋒刃無敢不善今惟淫舍牯
牛馬杜乃獲斂乃窵無敢傷牯之傷汝則有常刑馬
牛其風臣妾逋逃勿敢越逐祇復之我商賚汝乃越
逐不復汝則有常刑無敢寇攘踰垣竊馬牛誘臣妾
汝則有常刑甲戌我惟征徐戎峙乃糗糧無敢不逮
汝則有人刑魯人三郊三遂峙乃楨榦甲戌我惟築
無敢不供汝則有餘刑非殺魯人三郊三遂峙乃芻
芟無敢不多汝則有大刑衆既論乃徂征

謀父諫伐犬戎

周穆王將征犬戎祭公謀父諫曰不可先王耀德不
觀兵夫兵戢而時動動則威觀則玩玩則無震是故
周文公之頌曰載戢干戈載櫜弓矢我求懿德肆于
時夏允土保之先王之於民也茂正其德而厚其疑
阜其財求而利其器用明利害之鄉以文脩之使務
利而避害懷德而畏威故能保世以滋大昔我先世
后稷以服事虞夏及夏之衰也棄稷弗務我先王不
甯用失其官而自竄于戎翟之間不敢怠業時序其

德纂脩其緒脩其訓典朝夕恪勤守以惇篤奉以忠
信奕世戴德不忝前人至于武王昭前之光明而加
之以慈和事神保民莫不欣喜商王帝辛大惡於民
庶民弗忍欣戴武王以致戎于商牧是先王非務武
也勤恤民隱而除其害也奉先王之制邦內甸服邦
外侯服侯衛賓服蠻夷要服戎翟荒服甸服者祭侯
服者祀賓服者享要服者貢荒服者王日祭月祀時
享歲貢終王先王之訓也有不祭則脩意有不祀則
脩言有不享則脩文有不貢則脩名有不王則脩德

序成而有不至則脩刑於是乎有刑不祭伐不祀征
不享讓不貢告不王於是乎有刑罰之辟有攻罰之
兵有征討之備有威讓之令有文告之辭布令陳辭
而又不至則又增脩於德無勤民於遠是以近無不
聽遠無不服今自大畢伯仕之終也犬戎氏以其職
來王天子曰予必以不享征之且觀之兵其無乃廢
先王之訓而王幾頓乎吾聞夫犬戎樹惇能帥舊德
而守終純固其有以禦我矣王不聽遂征之得四白
狼四白鹿以歸自是荒服者不至

春秋上

鄭伯設覆禦戎

魯隱公九年十一月北戎侵鄭鄭伯禦之患戎師曰彼徒我車懼其侵軼我也公子突曰使勇而無剛者嘗寇而速去之君爲三覆以待之戎輕而不整貪而無親勝不相讓敗不相救先者見獲必務進進而遇覆必速奔後者不救則無繼矣乃可以逞從之戎人之前遇覆者奔祝聃逐之衷戎師前後擊之盡殪

魯公不受許地

魯隱公十一年秋七月公會齊侯鄭伯伐許庚辰傅于許穎考叔取鄭伯之旗蝥弧以先登瑕叔盈繼之周麾而呼曰君登矣鄭師畢登許莊公奔衛齊侯以許讓公公曰君謂許不共故從君討之許既服其罪矣君雖有命寡人弗敢與聞乃與鄭人鄭伯使許大夫百里奉許叔以居許東偏

季梁知楚之情

魯桓公六年楚武王侵隨使遠章來成焉軍於瑕以待之隨人使少師董成鬬伯比言於楚子曰吾不得

志於漢東也我則使然我張吾三軍而被吾甲兵以武臨之彼則懼而協以謀我故難間也漢東之國隨爲大隨張必棄小國小國離楚之利也少師侈請羸師以張之熊率且比曰季梁在何益鬬伯比曰以爲後圖少師得其君王毀軍而納少師少師歸請追楚師隨侯將許之季梁止曰天方授楚楚之羸其誘我也君何急焉臣聞小之能敵大也小道大淫所謂道忠於民而信於神也夫民神之主是以先王先成民而後致力於神故務其三時脩其五教親其九族以

致其禋祀於是乎民和而神降之福故動則有成今民各有心而鬼神之主君雖獨豐其何福之有君能脩政而親兄弟之國庶免於難隨懼而脩政楚不敢伐

鄭忽善自爲謀

魯桓公六年北戎伐齊齊侯使乞師於鄭鄭太子忽帥師救齊六月大敗戎師得戎師大良小良甲首三百以獻於齊齊侯欲以文姜妻太子忽忽辭或問其故太子曰人各有耦齊大非吾耦也君子曰善自爲

謀及其敗戎師也齊侯又請妻固辭人問其故太子
曰無事於齊吾猶不敢今以君命奔齊之急而受室
以歸是師婚也民其謂我何遂辭諸鄭伯

楚子乘釁伐隨

魯桓公八年隨少師有寵楚鬬伯比曰可矣讐言有釁
不可失也夏楚子合諸侯于沈鹿黃隨不會使遠章
讓黃楚子伐隨軍于漢淮之間季梁請下之弗許而
後戰所以怒我而怠寇也少師謂隨侯曰必速戰不
然將失楚師隨侯禦之望楚師季梁曰楚人上左君

必左無與王遇且攻其右右無良馬必敗偏敗衆乃
携矣少師曰不當王非敵也弗從戰于速杞隨師敗
績隨侯逸鬬丹獲其戎車與其戎右少師秋隨及楚
平楚子將不許鬬伯比曰天去其疾矣隨未可克也
乃盟而還

鬬廉衡擊巴師

魯桓公九年巴子使韞服告于楚請與鄧爲好楚子
使道朔將巴客以聘于鄧鄧南鄙鄢人攻而奪之幣
殺道朔及巴行人楚子使遠章讓鄧鄢人弗受夏楚

使闞廡帥師及巴師圍鄆鄧養甥聃帥師救鄆三
逐巴師不克闞廡衡陳其師於巴師之中以戰而北
鄧人逐之背巴師而夾攻之鄧師大敗鄆人宵潰

闞廡善料破鄆

魯桓公十一年楚屈瑕將盟貳軫鄆人軍於蒲騷將
與隨絞州蓼伐楚師莫敖患之闞廡曰鄆人軍其郊
必不戒且日虞四邑之至也君次於郊郢以禦四邑
我以銳師宵加於鄆鄆有虞心而恃其城莫有闞志
若敗鄆師四邑必離莫敖曰盍請濟師於王對曰師

克在和不在衆商周之不敵君之所聞也成軍而出
又何濟焉莫敖曰卜之對曰卜以決疑不疑何卜遂
敗鄆師于蒲騷卒盟而還

屈瑕采樵誘絞

魯桓公十二年楚伐絞軍其南門莫敖曰絞小而輕
輕則寡謀請無扞采樵者以誘之從之絞人獲三十
人明日絞人爭出驅楚後徒於山中楚人坐其北門
而覆諸山下大敗之爲城下之盟而還

闞伯比料屈瑕

魯桓公十三年春楚屈瑕伐羅鬬伯比送之還謂其御曰莫敖必敗舉趾高心不固矣遂見楚子曰必濟師楚子辭焉入告夫人鄧曼鄧曼曰大夫其非衆之謂其謂君撫小民以信訓諸司以德而威莫敖以刑也莫敖狃於蒲騷之後將自用也必小羅君若不鎮撫其不設備乎夫固謂君訓衆而好鎮撫之召諸司而勸之以令德見莫敖而告諸天之不假易也不然夫豈不知楚師之盡行也楚子使賴人追之不及莫敖使狗于師曰諫者有刑及馱亂次以濟遂無次且

不設備及羅羅與盧戎兩軍之大敗之莫敖縊于荒谷

曹劌能知兵勢

魯莊公十年春齊師伐我公將戰曹劌請見其鄉人曰肉食者謀之又何間焉劌曰肉食者鄙未能遠謀乃入見因問何以戰公曰衣食所安弗敢專也必以分人對曰小惠未徧民弗從也公曰犧牲玉帛弗敢加也必以信對曰小信未孚神弗福也公曰小大之獄雖不能察必以情對曰忠之屬也可以一戰戰則

請從公與之乘戰于長勺公將鼓之曹劌曰未可齊人三鼓劌曰可矣齊師敗績公將馳之劌曰未可下視其轍登軾而望之曰可矣遂逐齊師既克公問其故對曰夫戰勇氣也一鼓作氣再而衰三而竭彼竭我盈故克也夫大國難測也懼有伏焉吾視其轍亂望其旗靡故逐之

魯君兩敗宋師

魯莊公十年六月齊師宋師次于郎公子偃曰宋師不整可敗也宋師敗齊必還請伐之公弗許自雩門

竊出蒙臯比而先犯之公從之大敗宋師于乘丘齊師乃還十二年夏宋爲乘丘之役故侵我公禦之宋師未陣而薄之敗諸鄆

管仲內政寄軍

魯莊公十四年齊桓公欲伯天下問於管仲曰吾欲從事於諸侯其可乎管子對曰未可國未安桓公曰安國若何管子對曰脩舊法擇其善者而業用之遂滋民與無財而敬百姓則國安矣桓公曰諾遂脩舊法擇其善者而業用之遂滋民與無財而敬百姓國

既安矣桓公曰國安矣其可乎管子對曰未可君若正卒伍脩甲兵則大國亦將正卒伍修甲兵則難以速得志矣君有攻伐之器小國諸侯有守禦之備則難以速得志矣君若欲速得志於天下諸侯則事可以隱令可以寄政桓公曰爲之若何管子對曰作內政而寄軍令焉桓公曰善管子於是制國五家爲軌軌爲之長十軌而里里有司四里爲連連爲之長十連爲鄉鄉有良人焉以爲軍令五家爲軌故五人爲伍軌長帥之十軌爲里故五十人爲小戎里有司帥

之四里爲連故二百人爲卒連長帥之十連爲鄉故二千人爲旅鄉良人帥之五鄉一帥故萬人爲一軍五鄉之帥帥之三軍故有中軍之鼓有國子之鼓有高子之鼓春以饗振旅秋以獮治兵是故卒伍整於里軍旅整於郊內教既成令勿使遷徙五之人祭祀同福死喪同恤禍災共之人與人相疇家與家相疇世同居少同游故夜戰聲相聞足以不垂晝戰目相視足以相識其歡欣足以相死居同樂行同和死同哀是故守則同固戰則同疆君有此士也三萬人以

諸史略卷一
方行於天下以誅無道以屏周室天下大國之君莫之能禦也

齊桓聲義伐楚

魯僖公四年春齊侯以諸侯之師侵蔡蔡潰遂伐楚楚子使與師言曰君處北海寡人處南海唯是風馬牛不相及也不虞君之涉吾地也何故管仲對曰昔召康公命我先君太公曰五侯九伯女實征之以夾輔周室賜我先君履東至于海西至于河南至于穆陵北至于無棣爾貢包茅不入王祭不共無以縮酒

寡人是徵昭王南征而不復寡人是問對曰貢之不入寡君之罪也敢不共給昭王之不復君其問諸水濱師進次于陘夏楚子使屈完如師師退次于召陵齊侯陳諸侯之師與屈完乘而觀之齊侯曰豈不穀是爲先君之好是繼與不穀同好如何對曰君惠徼福於敝邑之社稷辱收寡君寡君之願也齊侯曰以此衆戰誰能禦之以此攻城何城不克對曰君若以德綏諸侯誰敢不服君若以力楚國方城以爲城漢水以爲池雖衆無所用之屈完遂及諸侯盟

晉侯假道襲虞

魯僖公五年晉侯復假道於虞以伐虢宮之奇諫曰虢虞之表也虢亡虞必從之晉不可啓寇不可玩一之謂甚其可再乎諺所謂輔車相依唇亡齒寒者其虞虢之謂也公曰晉吾宗也豈害我哉不聽冬十二月晉滅虢虢公奔京師晉師還館于虞遂襲虞滅之秦伯師少闕倍

魯僖公十五年晉饑秦輸之粟秦饑晉閉之糴故秦伯伐晉晉侯謂慶鄭曰寇深矣若之何對曰君實深

之可若何公曰不孫上右慶鄭吉弗使步陽御戎家僕徒爲右乘小駟鄭入也慶鄭曰古者大事必乘其產生其水土而知其人心安其教訓而服其道唯所納之無不如志今乘異產以從戎事及懼而變將與人易進退不可周旋不能君必悔之弗聽九月晉侯逆秦師使韓簡視師復曰師少於我闕士倍我公曰何故對曰出因其資入用其寵饑食其粟三施而無報是以來也今又擊之我怠秦奮倍猶未也公曰一夫不可狃况國乎遂請戰日寡人不佞能合其衆而

不能離也君若不還無所逃命壬戌戰于韓原晉戎馬還渚而止公號慶鄭慶鄭曰悞諫達卜固敗是求又何逃焉遂去之秦獲晉侯以歸

臧文仲請備邾

魯僖公二十二年邾人以須句故出師公卑邾不設備而禦之臧文仲曰國無小不可易也無備雖衆不可恃也詩曰戰戰兢兢如臨深淵如履薄冰又曰敬之敬之天維顯思命不易哉先王之明德猶無不難也無不懼也况我小國乎君其無謂邾小蠶蠹有毒

而况國乎弗聽八月公及邾師戰于升陘我師敗績邾人獲公胄縣諸魚門

子魚知宋之禍

魯僖公二十二年楚人伐宋以救鄭初僖公二十一年秋諸侯會宋公于孟子魚曰禍其在此乎君欲已甚其何以堪之於是楚執宋公以伐宋冬會于薄以釋之子魚曰禍猶未也未足以懲君明年夏宋公伐鄭子魚曰所謂禍在此矣冬楚人伐宋以救鄭宋公將戰大司馬固諫曰天之棄商久矣君將興之弗可

赦也。已弗聽。冬十一月，宋公及楚人戰于泓。宋人既成列，楚人未既濟，請擊之。公曰：「不可。既濟，未成列，又以告公。」曰：「未可。既陣而後擊之。」宋師敗績，公傷股，門官殲焉。國人皆咎公。公曰：「君子不重傷，不禽二毛。古之為軍也，不以阻隘也。寡人雖亡國之餘，不鼓不成列。」子魚曰：「君未知戰。勅敵之人隘而不列，天贊我也。阻而鼓之，不亦可乎？猶有懼焉。且今之勅者，皆吾敵也。雖及胡者，獲則取之，何有於二毛？明耻教戰，求殺敵也。傷未及死，如何？弗重若愛，重傷則如勿傷。愛其

二毛，則如服焉。二軍以利用也。金鼓以聲氣也。利用之阻隘，可也。聲盛致志，鼓儻可也。

孤偃勸晉勤王

魯僖公二十四年冬，天王以叔帶之難，使簡師。父告于晉，使左鄆。父告于秦，二十五年，秦伯師于河上，將納王。孤偃言於晉侯曰：「求諸侯莫如勤王。諸侯信之，且大義也。繼文之業，而信宣於諸侯，今為可矣。使偃卜之，吉。晉侯辭秦師而下。三月甲辰，次于陽樊。右師圍溫，左師逆王。夏四月丁巳，王入于王城，取太叔于

隰城

秦伯詐取商密

魯僖公二十五年秋秦晉伐郟楚闞克屈禦寇以申
息之師戍商密秦人過析隈入而繫輿人以圍商密
昏而傳焉宵坎血加書僞與子儀子邊盟者商密人
懼曰秦取析矣戍人反矣乃降秦師秦師囚申公子
儀息公子邊以歸

晉侯伐原示信

魯僖公二十五年冬晉侯圍原命三日之糧原不降

之聽輿人之誦曰原田每每舍其舊而新是謀公疑
焉狐偃曰戰也戰而捷必得諸侯若其不捷表裏山
河必無害也公曰若楚惠何欒枝曰漢陽諸姬楚實
盡之思小惠而忘大耻不如戰也子玉使鬬勃請戰
曰請與君之士戲君馮軾而觀之得臣與寓目焉晉
侯使欒枝對曰寡君聞命矣楚君之惠未之敢忘是
以在此爲大夫退其敢當君乎既不獲命矣敢煩大
夫謂二三子戒爾車乘敬爾君事詰朝將見晉車七
百乘韞鞞鞅鞞晉侯登有莘之虛以觀師曰少長有

禮其可用也遂伐其木以益其兵已巳晉侯陳于莘
北胥臣以下軍之佐當陳蔡子玉以若敖之六卒將
中軍曰今日必無晉矣子西將左鬪勃將右胥臣蒙
馬以虎皮先犯陳蔡陳蔡奔楚右師潰狐毛設二旆
而退欒枝使輿曳柴而偽遁楚師馳之原軫卻溱以
中軍公族橫擊之狐毛狐偃以上軍夾攻子西楚左
師潰楚師敗績子玉收其卒而止故不敗晉師三日
館穀及癸酉而還

蹇叔諫秦襲鄭

魯僖公三十一年杞子自鄭使告于秦曰鄭人使我
掌其北門之管若潛師以來國可得也穆公訪諸蹇
叔蹇叔曰勞師遠征非所聞也師勞力竭遠主備之
無乃不可乎師之所爲鄭必知之勤而無所必有悖
心且行千里其誰不知公辭焉召孟明西乞白乙使
出師於東門之外蹇叔哭之曰孟子吾見師之出而
不見其入也蹇叔之子與師哭而送之曰晉人禦師
必于殽殽有二陵焉必死是間余收爾骨焉三十三
年秦師過周北門左右免胄而下超乘者三百乘王

孫滿尚幼觀之言於王曰秦師輕而無禮必敗輕則寡謀無禮則脫入險而脫又不能謀能無敗乎及滑鄭商人弦高將市於周遇之以乘韋先牛十二犒師曰寡君聞吾子將步師出於敝邑敢犒從者不腆敝邑爲從者淹居則具一日之積行則備一夕之衛且使遽告于鄭鄭穆公使視客館則束載厲兵秣馬矣使皇武子辭焉曰吾子淹久於敝邑唯是脯資餼牽竭矣爲吾子之將行也鄭之有原圃猶秦之有具囿也吾子取其麋鹿以閒敝邑若何杞子奔齊逢孫揚

孫奔宋孟明曰鄭有備矣不可冀也攻之不克圍之不繼吾其還也滅滑而還晉原軫曰秦違蹇叔而以貪勤民天奉我也奉不可失敵不可縱縱敵患生違天不祥必伐秦師欒枝曰未報秦施而伐其師其爲死君乎先軫曰秦不哀吾喪而伐吾同姓秦則無禮何施之爲吾聞之一日縱敵數世之患也謀及子孫可謂死君乎遂發命遽興姜戎子墨衰經梁弘禦戎萊駒爲右夏四月敗秦師于殽獲孟明以歸

大孫伯知晉詐

魯僖公三十二年晉陽處父侵蔡楚子上救之與晉師夾泚而軍陽子患之使謂子上曰吾聞之文不犯順武不違敵子若欲戰則吾退舍子濟而陳遲速唯命不然紆我老師費財亦無益也乃駕以待子上欲涉大孫伯曰不可晉人無信半涉而薄我悔敗何及不如紆之乃退舍處父宣言曰楚師遁矣遂歸楚師亦歸太子商臣譖子上曰受晉賂而辟之楚之耻也罪莫大焉王殺子上

史駢能識敵勢

魯文公十二年秦爲令狐之役故冬秦伯伐晉取羈馬晉人禦之趙盾將中軍荀林父佐之郤缺將上軍史駢佐之欒盾將下軍胥甲佐之范無恤御戎以從秦師于河曲史駢曰秦不能久請深壘固軍以待之從之秦人欲戰秦伯謂士會曰若何而戰對曰趙氏新出其屬曰史駢必實爲此謀將以老我師也趙有側室曰穿晉君之壻也有寵而弱不在軍事好勇而狂且惡史駢之佐上軍也若使輕者肆焉其可秦伯以璧祈戰于河十二月戊午秦軍掩晉上軍趙穿追

之不及反怒曰裹糧坐甲固敵是求敵至不及擊將
何俟焉軍吏曰將有待也穿曰我不知謀將獨出乃
以其屬出趙盾曰秦獲穿也獲一卿矣秦以勝歸我
何以報乃皆出戰交綏秦行人夜戒晉師曰兩軍之
士皆未懃也明日請相見也吏駢曰使者目動而言
肆懼我也將遁矣薄諸河必敗之胥甲趙穿當軍門
呼曰死傷未收而棄之不惠也不待期而薄人於險
無勇也乃止秦師夜遁

楚有謀臣以興

魯文公十六年楚大饑戎伐其西南至于阜山師于
大林又伐其東南至于陽丘以侵訾枝庸人帥群蠻
以叛楚麋人帥百濮聚於選將伐楚於是申息之北
門不啓楚人謀徙於阪高蒞賈曰不可我能往寇亦
能往不如伐庸夫麋與百濮謂我饑不能師故伐我
也若我出師必懼而歸百濮離居將各走其邑誰暇
謀人乃出師旬有五日百濮乃罷自廬以往振廩同
食次于句瀝使戢黎侵庸及庸方城庸人逐之囚于
場窻二宿而逸曰庸師衆群蠻聚馬不如復大師且

起王卒合而後進師叔曰不可姑又與之退以驕之
彼驕我怒而後可克先君蚡冒所以服陘隰也又與
之遇七遇皆北唯裨儵魚人實逐之庸人曰楚不足
與戰矣遂不設備楚子乘驛會師于臨品分爲二隊
子越自石溪子員自仍以伐庸秦人巴人從楚師群
蠻從楚子盟遂滅庸

楚君許鄭求平

魯宣公十二年春楚圍鄭旬有七日鄭人卜行成不
吉卜臨于大宮且巷出車吉國人臨守裨者皆哭楚

子退師鄭人修城進復圍之三月克之入自皇門至
于逵路鄭伯肉袒牽羊以逆曰孤不天不能事君使
君懷怒以及敝邑孤之罪也敢不唯命是聽其俘諸
江南以實濱海亦唯命其翦以賜諸侯使臣妾之亦
唯命若惠顧前好徼福于厲宣桓武不泯其社稷使
改事君夷於九縣君之惠也孤之願也非所敢望也
敢布腹心君實圖之左右曰不可許也得國無赦王
曰其君能下人必能信用其民矣庸可幾乎退三十
里而許之平潘尫入盟子良出質

士會知楚非敵

魯宣公十二年夏六月晉師救鄭荀林父將中軍先穀佐之士會將上軍卻克佐之趙朔將下軍欒書佐之趙括趙嬰齊爲中軍大夫鞏朔韓穿爲上軍大夫荀首趙同爲下軍大夫韓厥爲司馬及河聞鄭既及楚平林父欲還曰無及於鄭而剽民馬用之楚歸而動不後士會曰善會聞用師觀釁而動德刑政事典禮不易不可敵也不爲是征楚君討鄭怒其貳而哀其卑叛而伐之服而舍之德刑成矣伐叛刑也柔服

德也二者立矣昔歲入陳今茲入鄭民不罷勞君無怨讟政有經矣荆尸而舉商農工賈不敗其業而卒乘輯睦事不好矣爲教爲宰擇國之令典軍行右轅左追蓐前茅慮無中權後勁百官象物而動軍政不戒而備能用典矣其君之舉也內姓選於親外姓選於舊舉不失德賞不失勞老有加惠旅有施舍君子小人物有服章貴有常尊賤有等威禮不逆矣德立刑行政成事時典從禮順若之何敵之見可而進知難而退軍之善政也兼弱攻昧武之善經也子姑整

軍而經士乎猶有弱而昧者何必楚先穀曰不可晉所以霸師武臣力也今失諸侯不可謂力有敵而不從不可謂武由我失霸不如死且成師以出聞敵強而退非夫也命爲軍帥而卒以非夫唯群弟子能我弗爲也以中軍佐濟荀首曰此師殆哉果遇必敗先穀尸之韓厥謂荀林父曰先穀以偏師陷子罪大矣子爲元帥師不用命誰之罪也失屬亡師爲罪已重不如進也事之不捷惡有所分與其專罪六人同之不猶愈乎師遂濟楚子北師次于郟沈尹將中軍子

重將左子及將右將飲馬於河而歸聞晉師既濟王欲還嬖人伍參欲戰令尹孫叔敖弗欲曰昔歲入陳今茲入鄭不無事矣戰而不捷參之肉其足食乎參曰若事之捷孫叔爲無謀矣不捷參之肉將在晉軍可得食乎令尹南轅反旆伍參言於王曰晉之從政者新未能行令其佐先穀剛愎不仁未肯用命其三帥者專行不獲而無上衆誰適從此行也晉師必敗且君而逃臣若社稷何王病之告令尹改乘轅而北之次於管以待之晉師在敖鄆之間鄭皇成使如晉

曰鄭之從楚社稷之故也未有二心楚師驟勝而驕其師老矣而不設備子擊之鄭師爲承楚師必敗先穀曰敗楚服鄭於此在矣必許之欒書曰楚自克庸以來無日不討國人而訓之在軍無日不討軍實爲申微之不可謂驕師直爲壯曲爲老我則不德而微怨於楚我曲楚直不可謂老其君之戎分爲二廣右廣初駕數及日中左則受之以至于昏內官序當其夜以待不虞不可謂無備子良鄭之良也師叔楚之崇也師叔入盟子良在楚楚鄭親矣來勸我戰我克

則來不克遂往以我卜也鄭不可從趙括趙同曰率師以來唯敵是求克敵得屬又何俟必從先穀荀首曰原屏咎之徒也趙朔曰欒伯善哉實其言必長晉國楚少宰如晉師曰寡君少遭閔凶不能文聞二先君之出入此行也將鄭是訓定豈敢求罪于晉二三子無淹父士會曰昔平王命我先君文侯曰與鄭夾輔周室母廢王命今鄭不率寡君使群臣問諸鄭豈敢辱侯人敢拜君命之辱先穀以爲諂使趙括從而更之曰行人失辭寡君使群臣遷大國之迹於鄭曰

無辟敵群臣無所逃命楚子又使求成于晉晉人許之盟有日矣楚許伯御樂伯攝叔爲右以致晉師晉人逐之左右角之樂伯左射馬而右射人角不能進矢一而已麋興於前射麋麗龜晉鮑癸當其後使攝叔奉麋獻焉曰以歲之非時獻禽之未至敢膳諸從者鮑癸止之曰其左善射其右有辭君子也既免晉魏錡求爲公族未得而怒欲敗晉師請致師弗許請使許之遂往請戰而還楚潘黨逐之及榮澤見六麋射一麋以顧獻曰子有軍事獸人無乃不給於鮮敢

獻於從者叔黨命去之趙旃求卿未得且怒於失楚之致師者請挑戰弗許請召盟許之與魏錡皆命而往卻克曰二憾往矣弗備必敗先穀曰鄭人勸戰弗敢從也楚人未成弗能好也師無成命多備何爲士會曰備之善若二子怒楚楚人乘我喪師無日矣不如備之楚之無惡除備而盟何損於好若以惡來有備不敗且雖諸侯相見軍衛不徹警也先穀不可士季使鞏朔韓穿帥七覆于敖前故上軍不敗趙嬰齊使其徒先具舟於河故敗而先濟潘黨既逐魏錡趙

旃夜至於楚軍席於軍門之外使其徒入之楚子爲
乘廣三十乘分爲左右右廣鷄鳴而駕日中而說左
則受之日入而說許偃御右廣養由基爲右彭名御
左廣屈蕩爲右乙卯王乘左廣以逐趙旃趙旃棄車
而走林屈蕩搏之得其甲裳晉人懼二子之怒楚師
也使韃車逆之潘黨望其塵使騁而告曰晉師至矣
楚人亦懼王之入晉軍也遂出陳孫叔敖曰進之寧
我薄人無人薄我詩云元戎十乘以先啓行先人也
軍志曰先人有奪人之心薄之也遂疾進師車馳卒

奔乘晉軍荀林父不知所爲鼓於軍中曰先濟者有
賞中軍下軍爭舟舟中之指可掬也晉師右移上軍
未動工尹齊將右拒卒以逐下軍楚子使唐狡與蔡
鳩居告唐惠侯曰不穀不德而貪以遇大敵不穀之
罪也然楚不克君之羞也敢藉君靈以濟楚師使潘
黨率游闕四十乘從唐侯以爲左拒以從上軍郤克
曰待諸乎士會曰楚師方壯若萃於我吾師必盡不
如收而去之分謗生民不亦可乎殿其卒而退不敗
王見右廣將從之乘屈蕩戶之曰君以此始亦必以

終自是楚之乘廣先左晉人或以廣隊不能進楚人
憇之脫肩少進馬還又憇之拔旃投衡乃出顧曰吾
不如大國之數奔也趙旃以其良馬二濟其兄與叔
父以他馬反遇敵不能去棄車而走林逢大夫與其
二子乘謂其二子無顧顧曰趙使在後怒之使下指
木曰尸女於是授趙旃綏以免明日以表尸之皆重
獲在木下楚熊負羈囚知罃荀首以其族反之魏錡
御下軍之士多從之每射抽矢敢納諸魏錡之房魏
錡怒曰非子之求而蒲之愛董澤之蒲可勝既乎荀

首曰不以人子吾子其可得乎吾不可以苟射故也
射連尹襄老獲之遂載其尸射公子穀臣囚之以二
者還及昏楚師軍於邲晉之餘師不能軍宵濟亦終
夜有聲丙辰楚重至於邲遂次于衡雍潘黨曰君盍
築武軍而收晉尸以爲京觀臣聞克敵必示子孫以
無忘武功楚子不許祀于河作先君宮告成事而還

士貞諫殺林父

魯宣公十二年秋晉師歸荀林父請死晉侯欲許之
士貞子諫曰不可城濮之役晉師三日穀文公猶有

言史中用卷一
一三二
憂色左右曰有喜而憂如有憂而喜乎公曰子玉猶
在憂未歇也困獸猶鬪况國相乎及楚殺子玉公喜
而後可知也曰莫余毒也已足晉再克而楚再敗也
楚是以再世不競今天或者大警晉也而又殺林父
以重楚勝其無乃久不競乎林父之事君也進思盡
忠退思補過社稷之衛也若之何殺之夫其敗也如
日月之食焉何損於明晉侯使復其位

諸史將畧卷之一畢

